

GENESIS LAIBU KICHI THUBUL

Sil Hing Kisiemdan

1 Achila Pasianin vanney asie-
min, ²leitung in lim leh guong a

nei sih. Tuisuogiet kinawng in sil
zousie a khulup sieng a, tuachiin a
miel kiahkuah hi. Tualeh Pasian
hagau khu tui tungah a vah kawi

kawi a. ³Tuachiin Pasian in, “Vah hing um hen” a chia, tuachiin khuo ang vah a. ⁴Tuanah Pasianin a sil mu khu a kipahpi hi. Tuachiengin khovah leh khomiel a khenta a. ⁵Tuachiin khovah khu “Sunlai” a chia, khomiel khu “Jan” a chi hi. Tualeh nitah hing liemin jingmawng a hing hita a, tua khu a ni khatna ahi. ⁶Tuachiin Pasianin, “Tui khu se ni a khensan dingin mun awng hing um hen” a chia, tua dungjuiin ang um a. ⁷Tuachiin Pasianin mun awng a siem a, tuami tunglam leh neylamah koiin tui khu se ni asuo hi. ⁸Tua mun awng khu “Vantham-jawl” a chia. Nitah hing liemin jingmawng ahing hita a, tua khu a ni nina ahi.

⁹Tuachiengin Pasianin, “Vanthamjawl ney lama tui zousie mun khatah hing kikhoh khawmin leitang hing kilang hen” a chia, tua dungjuiin ang um a. ¹⁰Leitang khu “Leitung” a chia; tui hing kikhoh khawm khu “Tuipi” a chi hi. Tuachiin Pasianin a en a hoi asa hi. ¹¹Tualeh Pasianin, “Leitang in singkung loup, galehte, neithe chinteng hing pousah hen” a chia, tua dungjuiin ang um a. ¹²Tuachiin Pasianin a en a, a kipahpi hi. ¹³Tualeh nitah hing liemin jingmawng a hing hita a, tua khu a ni thumna ahi.

¹⁴Khumin Pasianin, “Sunlai leh janlai sekhen dingin leh nite, kumte leh bieha pawibawl kipat hunte chiemtena dingin, vanthamjawl ah khovah hing um hen. ¹⁵Leitung tanvah dingin vanthamjawl ah khovah hing um ta hen” a chia, tua dungjuiin ang um ta a. ¹⁶Tuajiehin Pasianin

vah thupi ni asiem a, sunlai a tang dingin nipi, tualeh, janlai a tang dingin hapi asiem a; aasite zong asiem hi. ¹⁷Leitung tanvah dingin vahte khu vanthamjawl ah a koi a, ¹⁸Sunlai leh janlai tunga thunei ding leh khovah leh khomiel sekhen dingin asiem hi. Tuanah Pasianin a en a hoi asa hi. ¹⁹Tualeh nitah hing liemin jingmawng ahing hita, tua khu a ni lina ahi. ²⁰Tuachiengin Pasianin, “Tui sungah ganhing nam tampi hing um henlen, huikhuo khu vaten hing sudim u hen” chiin thu a pie a. ²¹Tuachiin Pasianin tuipi sung Ole leh tui sunga ganhing namkim asiem a, tuachiin vate zong asiem hi. Tuanah Pasianin a en a, hoi asa hi. ²²Tui sunga ganhing chintengin nou hing sanga tuipi dimden dingin leh, vate hing pung dingin khum zousie a guoljawl hi. ²³Tualeh nitah hing liemin jingmawng ahing hita, tua khu a ni ngana ahi.

²⁴Tuachiengin Pasianin, “Leitungen ganhing namkim, innsa, alien aneu hing piengsah hen” chiin thu a pie a, tua dungjuiin ang um a. ²⁵Tuachiin Pasian siem bihbeh ahi ua, khumte a en a hoi asa hi.

²⁶Khumin Pasianin, “Tuin, eima bang leh eima hing sun mihing siem vaiin, amaun ngate, tungleng vate leh ganhing innsa, gamsa, alien aneu zousie tungah thu neisah va ui” a chi hi. ²⁷Tuachiin Pasianin ama lim leh mel po dingin mihing asiem a, numei zong pasal zong asiem a, ²⁸tuachiin guol ajawl a akung uah, “Leitung buppi thunun dingin talehnau tampi hing nei unlen, na tate un leitung luo dim hen. Ngate leh tungleng vate leh gamsate tunga thunei dingin maw-

puohna ka hing pie hi. ²⁹Na neh ding galehte namkim ka hing siem pieh ta a; ³⁰hinanlezoneg gamsate leh tungleng vate ann dingin loup a leh singkung nna neite ka siem ta hi” chiin thu a pie a, tua dungjuin angum ta. ³¹Pasianin a silsiem chinteng a en a, hoi asa mama hi. Nitah hing liemin jingmawng ahing hita a, tua khu a ni guhna ahi.

2 Tuachiin vanney buppi siem jaw sieng ahita a. ^{2A}A ni sagini in Pasianin a nasep zousie a zoua, tuachiin a nasep a khawlsan a. ³Tuachiin a ni sagini khu guoljawl in a siensuo a, tua pen a nasep jawni leh a nasep a khawlsanni ahi hi.

Eden Huon

4 Tuachia MANGPA Pasianin vanney asiemin, ⁵leitung ah singkung loup a um sih a, haichi a pou nai sih. Tua pen guozuh lou jie leh louhou ding koima a um nailou jie ahia. ⁶Hinanlezoneg lei ney lama hing kipanin tuiin leitung a tapnou hi.

7 Khumin MANGPA Pasianin leitang them khat a la a, tuachiin mihing asiem a. Tuachiegin hintheina nahu a nahkuo ah a hakhum a, tuachiin mipa khun hinna a hing neita hi.

8 Khumin, MANGPA Pasianin Eden ah huon khat a bawl a, tua khu nisuolam ahia; tua munah a mi siempa khu akoi hi. ⁹Tua huon sungah aman singkung hoi namkim asiem a, agate zong ahoi thei mama hi. Khum huon sung lailung tahah khun hinna leh sielehphatheina, singkung apou hi.

10 Huon tapnou dingin luidung khat Edenah a luong lut a; Eden

kalah luidung li akisuo a. ¹¹Luidung masapen khu Pishon ahia, tua khu Havilah gam kimvelah a luong hi. (¹²Ngunn siengthou halnamtui kikkaatte leh suongmantamte khum luidung ah aum hi). ¹³Luidung nina khu Gihon ahia; Kush gam kimvelin a luong hi. ¹⁴Tualeh luidung athumna khu Taigri ahia, Assuria gam suolamah a luong a; tua leh a luidung lina khu Euphrate ahi hi.

15 Tuachiin MANGPA Pasianin huon hou leh ching dingin a misiempa khu Edenah akoi a. ^{16A}A kungah, “Huon sunga singga khat pou pou nethei va chin, ¹⁷hinanlezoneg sielehphatheina singga khu nethei sih va teh. Tua singga khu na neh ding ahi sih; na neh a ahileh na neh ni mama in shi va teh” a chi hi.

18 Khumin MANGPA Pasianin, “pasalamatang a akhosah pen hoi lou ahi manin a kithuopi ding khat siem vang” a chia. ¹⁹Tuachiin leitang them khat ala a, ganhingte leh vate asiem hi. Tuamin pasal kungah ahing tawi a; a minuh a phuoh dingin a ensah a; tuabepin, min ahing nei dimdiem uhi. ²⁰Tuajiehin pasalin vate leh ganhingte khu a minuh a phuoh a; hinanlezoneg tuate khat mazong ama kithuopi thei a um ta sih hi.

21 Khumin, MANGPA Pasianin pasal khu a kimut dusaha; a kimut petin a nahgu khat ladohin a telin a tuomsah kia a. ²²Tuachiin khum nahgu apatin numei khat asiemdoha, tuachiin pasal kungah ang pu a.

²³Khumin pasalin,

“Akhongin keima bang bang khat tanah um e,
Keima apat kiladoh gulehtang
Tel leh vou hi vawt e.

Pasal apata kiladoh ahi jiehini ama pen' numei' ahi hi" a chi hi.

²⁴Tuajiehin pasalin anu apa nuasiein, azi toh a kigawm a, tuachiin pumkhat ahing hita uhi.

²⁵Tuachiengin pasal leh numei khu saguoh ahi ua, hinanlezhong a kizumpi sih uhi.

Mihing Thumanlouna

3 Tuin MANGPA Pasian silsiem chinteng lahah gul khu a pilkhel pen a. Gulin numei khu dongin, "Huon sunga singgate lah a" na nehthei lou ding a chi tuom a um khai?" a chia.

² Khumini numeiin, "Pasianin huon sunga singga khat pou nethei va u chin, ³hinanlezhong, a lai lungtah a pen na neh thei lou ding uh ahi. Tua singga khu khoi zong ka khoi thei lou ding uh ahia, ka khoi uleh shi ding ka hi uhi" a chi hi.

⁴ Khumini gul in "Shi laizang lou e! ⁵Tua singga khu ne u lachin Pasian hing bang va u chin, sielehpha hing thei va u teh chi Pasianin a thei jieh a tua a chi hibouzuh a" a chi hi.

⁶ Khumini numeiin khum singkung khu hoi asa a, aga kineleh tui man ve a chia, kipil leh lamdang sam ve a chi hi. Tuabepin singga khu them khat louin a neta. Abanah a pasal zong them khat a pie a. Tuachiin aman zong a neta. ⁷Aneh lenlon a kipatin saguoh pia um ahi dan kithiin theina akhui ua, tuachiin a kituom uhi.

⁸ Tualeh khumi nitahlam in MANGPA Pasian huon sungah avah kawi kawi chi ajah bepun sing lahah a kipuol ua. ⁹Hinanlezhong MANGPA Pasianin pasal khu

handoh in, "Heia um na hiei?" a chi hi.

¹⁰ Khumini aman a dawng a, "Huon sunga na va thawmgin ka ja a, saguoh pi ka hi jiehini ka jau a, nang a kipatin ka kipuol hi" a chi hi.

¹¹ Tualeh Pasianin, "Saguoh na hi koi hing hil ahiei? Singga ne sin ka chi khu na ne amale?" a chi hi.

¹² Khumini pasalin, "Ka kithuopi dinga na hing pieh numei khun, singga khu ei pie a kana neta hi" a chia.

¹³ Tuabepin MANGPA Pasianin numei kungah, "Bang dinga tua bang nana bawl atai?" a chia.

Numeiin, "Gulin ei sola kana ne khata hi" a chi hi.

Pasianin Thu Akhen Ta

¹⁴ Khumini MANGPA Pasianin gul kungah, "Na silbawl jiehini gawtin um va chin, ganhing zousie lahah nang bouin tam sapsietna na tang ding hi. Tu a kipatin na awmin tuolah kithol ta va teh, tuachiengin na dam-sung tengin leivui na ne ding hi. ¹⁵Nangma leh numei hing kimudasah vang in, na hahlehsuonte u zong kimuda tawntung ta va uh. Amanu hahlehsuonten na lutang deng guoichiim van, nang hahlehsuonten a sietmit uh tuhpieh ta va" a chi hi.

¹⁶ Tuachiin numei kungah, "Na gai chienga na gimthuohna leh na tanei chienga na takei natna supung vang in. Tuachiin na gimthuoh tanguh na pasal lunggul chinten va chin, ama thununna neyah lut ta va teh" a chi hi.

¹⁷ Tuachiin pasal kungah, "Na zi thu na sana singga ne sin-ka chi pen nana neh tah jiehini leitang khu sap-

siet tang ahita. Na damsung teng khosakaj a neh thalaw a na na hasepa ngar a. ¹⁸Leitang tungah ling leh khau pou vanin, tuachiin gamlah singkung zong na ne ding hi. ¹⁹Leitang a kipana kisiem na hia, leitang ma na suo kia masang tengin leitanga kipat galehte na law theina ding a na na hasep akul hi", a chi hi.

20 Tualeh, Adamin azi khu mihingte nu ahi manin chiin a min khu Evi a hisah a. ²¹MANGPA Pasianin, savun a kipatin puon asiem a, tuachiin Adam leh azinu khu puon-sil a guon hi.

Adam leh Evi Huon Panin Ki Nawdoh Ta

22 Khumin MANGPA Pasianin, "Tuin pasal khu eima haw khat hing bangin sielehpha ahing thei ta a. Hinna singkung ga khu ki nesah nawn sih van, bangchihtana dam dingin kibawl nawn sih va" a chia. ²³Tuabepin MANGPA Pasianin ama khu Eden huon a kipata nawdohin ama hing. Kisiemdohna leitang khu ahousah taa. ²⁴Tualeh khum huon nisuolamah Cherubte aki koi a, meikuong namsauin a imm kimkot hi. Tua khu hinna singkung koiman ava nai thei louna ding a kibawl ahi hi.

© The Bible Society of India

THE HOLY BIBLE

Zomi

10E 0033/91-92/5M/STD
ISBN 81-221-2936-6

Published by:

The Bible Society of India
206 Mahatma Gandhi Road
Bangalore - 560 001

Printed in India by Photo offset process at
Swapna Printing works pvt. Ltd. Calcutta-9